

ი. ჯიშკარიანი

„ძველი აღმოსავლეთის“ წარსული

და

„ვ ეფხვის ტყაოსანი“

ტფილისი

სტამბა ვ. რუხაძისა და ამხ. გაბაშვილის შეს., № 1

1920

მოხსნილ წინასიტყვაობის მაგიერ ¹⁾

ჩემი სიყრმის მეხსიერების თვალწინ მკვეთრად სდგას შორეულ წარსულის – 1890 წლის გაზაფხულის – ცხოველი სურათი: ხუთიოდე შაგირდთაგან შემდგარ ჯგუფსა შუა რიონის პირად ზეზე მდგომი ამხანაგი ხმა მაღლა გვიკითხავს გაზეთის შფოთით აღვსილ შესიტყვებითი წერილს ჯერ კიდევ სტუდენტად მყოფ მეცნიერ ნ. მარრის საწინააღმდეგოდ მიმართულს.

წერილი უფრო აღბორგნებულ ეროვნულ გრძნობათა მჩქეფარე ნაკადია, ვიდრე გარკვეულ და ცხად მასალიდამ გამომდინარე ურყევ დებულებათა დალაგება, მაგრამ მისმა შინაარსმა – კილომ და სიტყვათა საქცევმა ჩვენ სრულიად დაგვატკბო და დაგვაშვიდა... ჯაბუკ მეცნიერის იმ აზრმა, რომ „ვეფხვის ტყაოსნის“ სიტყვები:

„ესე ამბავი სპარსული, ქართულად ნათარგმანები, ვპოვე და ლექსად გარდავთქვი“ – სრული ჭეშმარიტებააო და რომ მისი, „ვეფხვის ტყაოსნის“,

ჩემი გამოკვლევის წინასიტყვაობა დაბეჭდვისას რედაქციამ 1916 წ-ში სრულიად მოხსნა და რადგანაც მე მისი პირი არა მაქვს, ამის გამო მის სამაგიეროდ ახალ წინასიტყვაობას ვუკეთებ.

IV

სპარსული დედანი ბრიტანეთის მუზეუმში უნდა ინახებოდესო, იმ ზომამდე შეაშფოთა და შეურაცხყო ეროვნული გრძნობა ქართულ საზოგადოებისა, რომ ცხრა წლის შემდგომაც ამ აზრის შეფასებისას თვით დიდ ილიასაც წარმოათქმევინა უკვე ევროპიულ ფარგალში დამწიფებულ მეცნიერისადმი მწვავე ბოღმით აღსავსე სიტყვები: „რა საკადრისია, კაცს ჯერ საბუთი არ ენახოს... აიღოს და... შეურყიოს ძირი იმ დიდებულს სახსოვარს, რომელსაც მთელმა ერმავე შიგ ჩაატანა თავისი ცრემლი და თავისი სიხარული, შიგ ჩაახვია თავისი სული და გული, შიგ ჩააწნა თვისნი უკეთესნი ფიქრნი, ზრახვანი, გრძნობანი...“

1910 წელს ზამთარში ბაქოთი თურქესტანში გარდავედი ციმბირში მუშაობისას მქონდა შემთხვევა აღმოსავლეთით გადმოვსულიყავი, მაგრამ მთელ ზაფხულს ამისთვის ვერ ველევი. გამგზავრებამდე ამ მხარესი წარსულსაც გავეცანი – ნანახმა ჩემზე დიდი შთაბეჭდილება მოახდინა, დაბრუნებისას მე შევუდექი ჩვენი წარსულის გაცნობასაც და 1914 წლის მიწურულში „ვეფხვის ტყაოსნის“ წარმოშობის სურათი ჩემთვის სრულიად ცხადი იყო, მაგრამ დაწერას და გამოქვეყნებას ვერ ვბედავდი, რადგანაც ოთხმოცდაათ წლიდამ სამშობლოს მოშორებული ამ კითხვის შესახებ მასალას სრულად არ ვიცნობდი... 1916 წ. კი ზაფხულში სამ-

დღევრო მწერლობაში ატეხილმა შესიტყვებამ ჩემ-
თვის ცხადყო ამ საგანზე ჩემი აზრის გამოქვეყნე-
ბის საჭიროებაც და შესაძლებლობაც ¹⁾.
ჩვენ არ ვსთვლით „ვეფხვის ტყაოსნის“ წარმო-
შობის კითხვას ამ გამოკვლევით სრულიად გადა-
ჭრილად, მაგრამ კითხვა რომ სათანადო ბილიკზეა
მოქცეული, ეს კი ჩვენთვის ეჭვს გარეშეა და ჩვენი
სიამაყე, მეცნიერების ბუმბერაზი, თავისუფალი რომ
ბრძანებულიყო ამ კითხვის შესახებ თავის წინა ნა-
აზრევიდან ჩვენ მიერ გამოთქმულ შეხედულებას
უფრო გარკვეულად შეაფასებდა, ვიდრე ეს მან
ინება: „мысль, что поэма не вполне современ-
на Тamar, что она написана послѣ ея смер-
ти, теперь высказывается и по другимъ осо-
бенностямъ, какъ будто болѣе существен-
нымъ для поэмы, чѣмъ наблюденныя Сарги-
сомъ Какабадзе, но для насъ важно при
опредѣленіи времени не отдѣльные признаки
и частности, хотя бы и существенныя, кото-
рыя могутъ получить при различной точкѣ
зрѣнія различныя толкованія, а общій духъ
оэмы“ ²⁾

„სახალხო ფურცელი“ №№ 720 და 721. 1916 წ.

) Н. Я. Марръ Грузинская поэма „Витязь въ
барсовой шкурѣ“ Шоты пзъ Рустава и новая куть-
турно-историческая проблема 1917 г. ст. 502.

VI

ამ ცალმხრივ შეფასებაშიც, ვუბნობთ ცალ-
მხრივ, რადგანაც ჩვენ გამოკვლევაში ვეხებით სხვა
მხარეებსაც „ვეფხვის ტყაოსნის“ წარმოშობის შე-
სახებ აუცილებელია ერთნაირი შესწორების შეტა-
ნა: ჩვენ მიერ წამოყენებულ მასალის მიხედვით
„ვეფხვის ტყაოსნის“ წარმოშობის ფარგალი დროის
მხრივ განისაზღვრება ქვევიდან 1210 წლით, ზევი-
დამ კი თამარის გარდაცვალებით – 1213 წლით:
ხალხში დარჩომილ გადრაცვალებით „ვეფხვის ტყაოს-
ნის“ წარმოშობის დროის შესახებ თამარის სი-
ცოცხლეშივე ჩვენ დიდის ნდობით ვეპყრობით,
მით უფრო რომ ხალხის მრავალ-მხრივი გადმოცემა
ამ რთულ მოვლენისა ჩვენ მიერ წამოყენებულ მა-
სალით მხოლოდ ამ მხრივ რჩება ოდნავ გამოურ-
კვეველი და დაუდასტურებელი.

ავლაბარი, 1920 წ.

„ძველი აღმოსავლეთის“ წარსული და „ვეფხვის ტყაოსანი“

„ძველი აღმოსავლეთი“, როგორც ზნე-ჩვეულების და წეს-წყობილების მთლიანი ერთეული.

რა მნიშვნელობითაც დღეს ჩვენ ვხმარობთ ცნებას „ეროპას“, როგორც წეს–რიგის და ზნე-ჩვეულების ერთეულს, იმ მნიშვნელობითვე უნდა ვიხმაროთ – „ძველი აღმოსავლეთი“. ამ ცნების შემადგენლობის ფარგალში, ჩემის აზრით, უნდა მოთავსდეს აშანი ¹⁾, ყივთეთი ²⁾, შამი, ურიასტანი, მცირე აზია ³⁾, არაბეთი, შუა მდინარე, სომხეთი, საქართველო, ინდოეთი, სპარსეთი, ავღანისტანი და რუსთა თურქესტანი. ამ ფარგალში ხან ერთი

აბესინია, აბაშა.

ეგვიპტე.

ანატოლია.

ხალხი ხელისუფლობდა და ხან მეორე, ამ გაბატონებას ხელს უწყობდა მდებარეობა და წეს-წყობილებისა და ზნე-ჩვეულების უუძველესი საერთო წყარო.

**სუმერეთი, როგორც „ძველი აღმოსავლეთი“
ზნე-ჩვეულების და წეს-წყობილების საერთო
წყარო.**

ამ საერთო წყაროდ უნდა ჩაითვალოს შუამდინარის სამხრეთი ნაწილი: ბაბილონიდან სუზამდე ¹⁾. პირველად მჭიდროდ აქ შეჯგუფდა ცხოვრება და ამ შეჯგუფებამ ხალხი აიძულა შეემუშავებია იმისთანა შეხედულება და წეს-წყობილება, რომელიც შისცემდა მას ცხოვრების და განვითარების საშუალებას. დღეს მეცნიერება ამ ხალხს იცნობს სუმერებად²⁾. ამ ხალხის ნააზრევი და ნაგრძნობი გარდაიქცა ზემო აღნიშნულ ხალხთა მამოძრავებელ და გამაერთიანებელ ძალად. პირველად აქ ამაღლდა აზრი ღვთაებამდე: ხანგრძლივმა დაკვირვებამ ადამიანს საზოგადოებრივ წეს-წყობილებაშიც ოჯახური წესრიგი გადაატანია და გააბატონებია: იქაც განა-

სუზა, ზოგიერთ მეცნიერთა კითხვით, შუში – რუკაზე ქალდუს აღმოსავლეთით.
სუმერები ანუ შუმერები.

მტკიცა მეფე-მამა, შეფე-დედა და მეფის-წული. ხან-გრძლივმა გამოცდილებამ ხალხი დაარწმუნა ამ გაბატონების აუცილებლობაში და ამ ოჯახურ წეს-წყობილებას მისი გონება უფრო მაღლა – თვით ზესკნელში – შეათვისა: იქაც მამა, დედა და ძე. ასე შეიკრა სუმერთა ყოველ ქალაქში საზოგადოებრივ წეს-წყობილების სამ სართულიანი ციხე-გოდოლი, ოჯახურ მცნებაზე აგებული...

ჩვენდა საბედნიეროდ შუმერეთის ლურსმული წარწერები ფიქალ ქვებზე დღეს ინახება ევროპიელთა დიდ ქალაქებში და იმათ მიხედვით შეგვიძლიან ცხად ვყოთ თანამედროვე კაცობრიობისათვის – სამოც და ათი საუკუნის წინად მომხდარი ამბები ¹⁾. შუმერებთან დაკავშირებულია მთელი კაცობრიობის სულიერი და ნოვთიერი ცხოვრების გაუმჯობესება:

დღეს უკვე დანამდვილებით ვიცით, რომ ბერძნები და რომაელები მხოლოდ ოცდაშვიდი – ოცდარვა საუკუნეა, რაც ისტორიულ სარბიელზე გამოვიდნენ – დიდად სარგებლობდნენ შუამდინარეში შემუშავებულ ზნე ჩვეულებას და წეს-წყობილებას; საბერძნეთის კულტურა კი მთელმა ევროპამ შეითვისა.

დაახლოებით ვიცით, რომ ათასი საუკუნეა მას შემდეგ, რაც ადამიანი დედამიწაზე გაჩნდა, და ამ ათასს საუკუნეში მხოლოდ უკანასკნელ სამოცდაათ საუკუნეს აქვს გარკვეული ისტორია.

შუამდინარეში ხალხთა მუდმივ შეხლა-შემოხლა იმდენად მკაცრი იყო და საზოგადოებრივი ცხოვრება რთული, რომ გამახვილებულმა ადამიანთა სულიერმა ძალამ დიდი ხნით ქრისტიანობამდე შეიმუშავა დიდებული ზნეობრივი დებულება: „სიკეთით სძლიე თვით მტერსა, ერიდე შურიტ ძლევასა“. დღესაც მთელი კაცობრიობა აქ ¹⁾ შეეხალა მტრულად ერთმანეთს და რაღაც საოცარმა ღვთაებრივმა განგებამ ჩვენ ქართველებსაც სრულიად მოულოდნელად ამ შეხლაში გვარგუნა თვალსაჩინო მონაწილეობა. გრძნობენ თუ არა ჩვენი გმირები, რომ იმ არე-მარესთან ჩვენ ქართველები მჭიდროდ ვართ ჩვენი წარსულით დაკავშირებული! ²⁾.

შუამდინარეთის ზნე-ჩვეულება და ჩვენი მასთან კავშირი.

ქართული სიტყვა „პატიოსანი“ უეჭველია ენათესავება შუმერეთის „პატესის“ – აგრე უწოდებდნენ ქალაქის თავს. – „პატესი“ აღჭურვილი იყო სასულიერო უფლებითაც. საყოველთაო ქართული

კუტ ელ ამარა შუა გულია ძველი შუმერეთისა. აქ დამარცხდა ამ ცოტა ხანში ბრიტანიის რაზმი. არის მიმართულება მეცნიერებაში, რომელიც სუმერთა და ქართველთა შორის ნათესაურ კავშირსაც გულისხმობს.

სიტყვა. „ლამაზი“ ნაწარმოები უნდა იყოს სვანური წინსართავით „ლა“, რომელიც უდრის ქართულ „სა“-ს და მაზი – აქ ცხადია ორხმოვანი ძირი „მზ“. ასე რომ „ლა მაზი“, იგივე „მზი-სა“, დღეს თამამად მეგვიძლია დაუკავშიროთ შუამდინარის „ლამას“, „ლამასუ“ ანუ „ლამასსდა“, რომელსაც მეცნიერნი სთარგმნიან „ღვთის მოციქულად“, „კეთილ-სულად“, „მფარველად“, თუ მივიღებთ მხედველობაში, რომ „ქართველ ხალხის რწმენას ეხლაც შენახული აქვს მზის თაყვანის ცემა და ფშავ-ხევსურთა დეკანოზები თავიანთ ლოცვაში ყოველთვის ამბობენ ხოლმე: „დიდება მზესა, იმის მყოლ ანგელოზსაო“ ¹⁾, მაშინ ადვილად მივხვდებით, რომ შუამდინარის ლამასსუ, ჩვენი ლამაზი, იგივე „მზი-სა“ არის მზის მოციქული და ამ მნიშვნელობით ამ სიტყვას ხალხი ხმარობდა ქრისტიანობამდე, შემდეგ კი მის მაგიერ შეითვისა უცხო ბერძნული სიტყვა ანგელოზი, ლამაზი კი დაიტოვა სიმშვენიერეს გამოსახატავად ²⁾. ჩვენ წინაპართა უსასტიკესი და თავის გულუბრყვილობით ამაღელვებელი ფიცი „თავმან მეფისამან“ – ლურსმულ წარწერების მოწმობით

ქართველი ერის ისტორია. ი. ჯავახიშვილი, გვ. 124.

სიტყვა ლამაზი შეიძლება ასეც განვმარტოთ: სუმერულად „ლამ“ ნიშნავს ბრწყინვას, ნათელს. სუმერულად „ზაგ“ კარგი, თაფლი. იხ. გვირგვინი. მ. წერეთელი: სუმერული და ქართული. 1912 წ. გვ. 105.

უეჭველად ანთავისუფლებდა ბრალდებულს შუა მდინარეშიდაც. ჩვენი სასროლი ბადე შუა გულით ჭერზე მიკრული – ძეობაზე მწოლარე ადამიანზე გაშლილი ავი სულის მოსაგერებლად განა იგივე შუა-მდინარის გმირის ბადე არ არის, რომლითაც ის შეებრძოლა ზღვის ავ სულს „თიამათს“ და სძლია კიდეც! ¹⁾ ჩვენში გავრცელებული ქალის სახელი „ნინო“ ნიშნავს სუმერულად ქალბატონს. ქალ-ღმერთი ქალ-ბატონი იყო ყოველ ქალაქში, ე. ი. ყოველ ქალაქს ჰყავდა თავისი „ნინო“; ერთი ამგვარი ნინა, რომელსაც დღეს შეუსრულდა ორმოცდაორი საუკუნე, ასირიელებმა მეშვიდე საუკუნეში ქ. შ. წინ წაართვეს სუზელებს და ყორულ სერტყიდან ²⁾ გამოტაცებული დაუბრუნეს ერეხელებს ³⁾. ამ ნინოს კერპს ამ ცოტა ხანში ბრიტანიის უცხო საგანთა საცავში ამოაკვრევენ თავი. შესაძლოა ვიფიქროთ, რომ სუმერთა ნინოს

ეს დაკვირვება ეკუთვნის – 1877 წ. ქ. ქუთაისში ნახულს ამ მაგალითის მიხედვით დიდი სიფრთხილეა საჭირო ძველ ჩვეულებებთან ბრძოლაში. ჯერ ჩვეულებანი უნდა შევკრიბოთ, გამოვაჩვენოთ, დაკვირვებით შევისწავლოთ და მხოლოდ ამის შემდეგ მავნებელ ჩვეულებას შევებრძოლოთ. ყურადსაღებია სიტყვა ყორულიც და სერტყიც, ე. ი. წმინდა ტევრანი ღვთაებისადმი მიჩენილი. ერეხი სუმერთა ქალაქია.

თაყვანება დაედვა ჩვენ ხალხში საფუძვლად ქალთა მიმართ გამეფებულ თავაზიანობას. ქართულმა ენამაც განიცადა ამ თავაზიანობის გავლენა: მდედრობით სქესს პირველი ადგილი აქვს დათმობილი შემდეგ გამოთქმებში: ქალ-ვაჟი, და-ძმა, დედ-მამა და ცოლ-ქმარი. ხალხურ სუფრაზედაც პირველ სადღეგრძელოს წარმოსთქვამენ ქალის სადიდებლად. შეიძლება ამანვე მოუმზადა ნიადაგი ჩვენში წმიდა ნინოს და საქართველო გახადა ღვთის მშობლის ხვედრად. ამ პირობებში ამაყი და მტკიცე ქეთევანი და დიდი თამარი სრულიად ბუნებრივია.

ქართული დაღრეჯილობა უსაზღვრო კაემანი და ჩვეულებრივი ცხოვრების ყალიბი: „ამის მეტი რა შემრჩებაო“ – „ცხოვრების მოქმით“ – ადვილად შეგვიძლიან დავუკავშიროთ სუმერლების მსოფლმხედველობას: მეოცე საუკუნეში ქ. შ. წინ ლურსმული თქმულებით ერეხელი გმირი „გიში“ ²⁾ ჭმუნვარებით შეპყრობილი ჰგოდებს: „ეაბანი, ჩემი სათუთ მეგობარი, წავიდა იქ, საიდანაც არა კაცი არ დაბრუნებულა“ და ზარდაცემულმა გრძნეულ ქალს მიმართა ამ თხოვნით: განუმარტოს მას სიკვდილის და სიცოცხლის მნიშვნელობა და საიდუმლოება. „ხალხის ხვედრია სიკვდილი, მუდმივ სიცოცხლე კი

ნუხას ჩვენი ძველები უწოდებდენ „გიში“ ანუ ნუხ-„პატისი“.

ღვთისა“, უპასუხა მისანმა ქალმა და დაუმატა სა-
სოწარკვეთილ გმირის დასამშვიდებლად:

„შენ კი, გიშ, სტომაქი გაივსე
და დღე-და-ღამე იქეიფე,
ცის მარე დღე იზადიკე

ტურფა ქალი გვერდს მოიგდე ²⁾).

ვერ დაამშვიდა ამისთანა პასუხმა გიში და კი-
დეც უფრო გააღრმავა მისი კაეშანი...
ამგვარი მაგალითი კიდეც ბევრი მოინახება, მაგ-
რამ ჩვენ მიერ წამოყენებულ დებულების დასამტკი-

უკანასნელი ორი წლის განმავლობაში ზერელე
თვალიერების დროს ბევრ რასმეს გულისხმიეროს წავაწყდი
თანამედროვე ისტორიულ ნაშრომებში – ვუბნობ ზერელე,
რადგანაც ზედმიწევნით შესწავლისთვის მე, რიცხვთა მეცნიე-
რების მასწავლებელს და მასთან სკოლის ზედამხედველს, არც
დრო მქონდა და არც საშუალება საგნის ზედმიწევნით შე-
სწავლისთვის, მაგრამ ამ პირობებშიდაც ერთში დავრწმუნ-
დი: ქართველებმა ჭირისუფლური თავ ამოდებით უნდა შე-
ვისწავლოთ ძველი აღმოსავლეთი, განმეორებით უნდა გადა-
ვსინჯოთ ღრმად პატივცემულ ევრპიელთა ნამუშევარი – ამი-
თვის კი საჭიროა ჯგუფთა მიზანშეწონილი შრომა, საშუა-
ლო ქართულ სკოლებში აღმოსავლეთის წარსულის საფუძე-
ლიანად შესწავლა და სხვა... ამისთანა შესწავლა ჩვენ მო-
გვეცემს საშუალებას მომავლის გეგმაც შევიმუშაოთ და „ლა-
მაზი სიკვდილის“ მაგივრად ლამაზი სიცოცხლისკენ ხალისი-

ცებლად ესეც კმარა. ბევრი საბუთი გვაქვს ვიფიქროთ, რომ სუმერლები მდაბლობში აღმოსავლეთ მთებიდან დაეშვნენ, იმ მთებიდან, რომელნიც იწყება ქართლში, გადადის ერევანზე და გასწვრივ მისდევს აღმოსავლეთით ტიგროსს, ე. ი. დიჯლეს, და თავდება ინდოეთში. მარტო ამ მაღლობიდან შეეძლო ხალხს შეესწავლა შუამდინარის დაბლობის თვისებები – ყოველ წლიური წყლის ადიდების კანონები და მხოლოდ შემდეგ დაშვებულიყო დაბლობში, გაეშენებია ქალაქები ამისთვის განგებ აღმართულ ბორცვებზე და წყლის მოვარდნით თავის საკეთილდღეოდ ესარგებლნა. ადვილად წარმოსადგენია, რომ ამ ბორცვებზე იძულებით ყოველ წლივ

ანად გავსწიოთ, ხალხი საამაყო წარსულში ჰპოებს მომავლის იმედს. ეს არის ნათქვამი 1916 წელში – ნიკოლოზ II დროს – „რუსობის“ ხანაში, დღეს კი თავისუფალნი ვიტყვით: ჩვენი შკოლა უნდა ვაქციოთ „ძველი აღმოსავლეთის“ შესწავლის – შეგრძნობის წყაროთ, დროებით მაინც, ახალ ქართულ კულტურის შექმნამდე, რომელიც იქნება შედეგი ჩვენი განუწყვეტლივ დასავლეთთანაც ურთიერთობისა – ქართულმა შკოლამ იგივე სამსახური უნდა გაუწიოს „ძველ აღმოსავლეთის“ შესწავლას, რა სამსახურიც გაუწია ევროპიულმა შკოლამ ელინთა და რომაელთა კულტურის შესწავლას... მხოლოდ ამ გვარად შევსძლებთ ჩვენ ახალ თაობის საღ ფაქიზ გრძნობათა გაღვივებას, როგორც მამოძრავებელ ძალას დიად ახლობელ მიზანთა განსახორციელებლად, შორეულ მფრფინვად მომავლის განართხით გაშუქებულთ!

ცხოვრებამ შეაჩვია სუმერლები ჯგუფად მოქმედებას და ამ მოქმედების შედეგი დაედო საფუძვლად დიდ საზოგადოებრივ ერთეულებს – ქალაქებს. საფიქრებელია აგრედვე, რომ პირველ გადმოსახლებულთ დაატყდა ამ დაბლობში ის უბედურება, რომელიც ძველი ალთქმის წარღვნის საფუძვლად დაედო. აღმოსავლეთით უზრუნველყოფილნი სუმერლები – იქ ხომ მათი მონათესავე ხალხი დარჩა – ადვილად ახერხებენ მთებიდან გადმოტანილი ზნე-ჩვეულების და წეს-წყობილების გაღრმავებას და მონათესავე ხალხშივე გავრცელებას.

დაახლოვებით ასე გვესახება ქვებზე აღბეჭდილი ძველი აღმოსავლეთის უუძველესი ხანა 4000 ანუ წ. ქ. შ. წინ. ზემოდ დასახელებული მთები, მცირე აზია და შუა-მდინარეში სუმერეთი, აი დედა-ღერძი კაცობრიობის წარსულის ბროუნვისა და პირველი საზოგადოებრივი ერთეული – ამ დროის დანარჩენი კაცობრიობა კი ტიტლიკანა ველურებად გვესახება!

სემიტები – არაბები და ურიები – გამოდიან საერთაშორისო სარბიელზე.

სუმერლები უკვე მომწიფდნენ, როდესაც მათ არაბეთიდან და შამიდან – სირიიდან ბოლუქ-ბოლუქად მოაწვნიეს სემიტები-მწყემსები; პირველი შე-

ხლა შეიძლება მტრულიც იყო, მაგრამ ცოტახნის შემდეგ მოსულთა და ბინადართა ¹⁾ შორის მყარდება მშვიდობიანობა და სემიტები საფუძვლიანად ითვისებენ სუმერთა ზნე-ჩვეულებას და წეს-წყობილებას და მათთან ერთად ჰქმნიან შუამდინარეში ახალ ნარევ ხალხს და ზნე-ჩვეულებას. საფიქრებელია დრო-გამოშვებით სემიტები ერთხელვე გარკვეულ გზით იჭრებოდნენ ამ ნარევ ხალხში. ასე რომ მეოცე საუკუნეში ქ. შ. წინ აქ მცხოვრებ ხალხში უკვე სემიტური ელფერი და ხასიათი სჭარბობს.

რება მიაწერს: სვანებს, აფხაზებს, ჩერქეზებს, ინგუშებს, ჩაჩნებს, ლეკებს მეგრელებს – ქანებს, ქართველებს და – არა არიულ შემადგენლობით – სომხებს, თუმცა ეს უკანასკნელნი **სტრუქტურულად** განსხვავებულია მათგან, ჯგუფს მხოლოდ ფორმული საუკუნეში ქ. შ. წინ აღწევენ აზრუმის არე-მარემდე და ბინადრებთან ისე კავშირდებიან, რომ ჰკარგავენ თავიანთ არიულ სახეს, ავიწყდებათ თავისი წარსული და ადგილობრივ ისტორიულ ბურუსში ეხვევიან, დარჩათ მხოლოდ ენათქმაში არიული ხასიათი. ჩემის ფიქრით, სუმერთა თანამედროვე ჯგუფის ხალხი უნდა ვეძიოთ აგრეთვე არაბეთში ქალაქად გაზნეულ მოხელეებში, რომელნიც დღემდის ვერ შეეთვისნენ არაბებს. ადვილად შესაძლებელია ამ ჯგუფთა ხალხის ნაშთი ინახავს თავს ინდოეთშიდაც არა არიულ და მონგოლურ დამონებულ ნაწილში.

საერთაშორისო სარბიელზე ჩნდებიან არიელთა მოდგმის ხალხნი: მიდიელნი, სპარსელნი, ფილისტიმლიანები, ბერძნები და სომხები.

ამ არემარეში სემიტების ხელისუფლობა აღწევს მეშვიდე საუკუნის მიწურულამდის ¹⁾ – ამ მიწურულში კი უთმობს თავის მნიშვნელობას ახლად გაძლიერებულ არიელთა მოდგმის ხალხს: მიდიელებს და სპარსელებს. მიდიელები წინ იწევდნენ ჩრდილოეთ-აღმოსავლეთით, მეორენი კი სამხრეთ-აღმოსავლეთით. ეს ორი ხალხი იმდენად დაახლოვებული იყო, რომ ხშირად ახერხებდნენ შეერთებულად მოქმედებას – ისინი ადრე შემოიჭრენ ძველ აღმოსავლეთის ფარგალში: დღევანდელი დაკვირვებანი ამ ხანად სთვლიან მეოცე საუკუნის დასაწყისს ქ. შ. წინ. ამ ფარგალშივე შემოიჭრა დასავლეთიდან არიელთა მოდგმის ხალხი – ფილისტიმლიანები მეთორმეტე საუკუნეში ქ. შ. წინ; საფიქრებელია, რომ ამ ხანებშივე ფრაკიიდან მცირე აზიაში გადმოდიოდნენ იმავე არიელთა მოდგმის ხალხი – ბერძნები და სომხები.

დღეს ნიშანდობლივ ვიციტ წმინდა სემიტთა ზნე ჩვეულების და წეს წყობილების სამფლობელო. ნილოსის ნაპირზე უუძველესი ეგვიპტე; ვიციტ ისიც, როს ამ სამფლობელოს მალიან მკრთალი გავლენა ჰქონდა კაცობრიობის წარსულზე. დღევანდელი ყოვთები ძველი ეგვიპტელების მემკვიდრენი არიან.

„ძველ აღმოსავლეთს“ სათავეში უდგებიან საარსელები.

ასე თანდათანობით მზადდებოდა ის საზარელი უბედურება, რომელიც შუამდინარეს თავს დაატყდა მეშვიდე საუკუნის მიწურულში ქ. შ. წინ. ძველი დროის შუამდინარის ზნე-ჩვეულების და წეს-წყობილების ერთეულის დამსხვრევა არც ისე ადვილი იყო ველურ არიელთა ხალხთათვის. ესენიც პირველ შეხლაზე, როგორც სემიტები, ალბად სასტიკად დამარცხდნენ, მაგრამ ამ დამარცხებით ისარგებლეს და დაუკვირდნენ მოპირდაპირის მძლავრ მხარეებს, შეითვისეს ისინი და ჯიუტი თანდათანობით იწყეს წინ სვლა, ასე რომ 607 წ. ქ. შ. წინ, შეერთებული ძალით აღმოსავლეთ-დასავლეთ არიელთა ხალხმა შესძლო ნინევიის სრულიად განადგურება; ცოტა ხანს შემდეგ კი სპარსთა მეფე ძლევა-მოსილი ჯარით ქედს ახრევინებს დიდს ბაბილონს – 538 წ. ქ. შ. წინ სპარსელებმა მოახერხეს მთელი ძველი აღმოსავლეთის გაერთიანება და ამნაირად მეჰქმნეს შეჯგუფება ახალ ეროვნულ ერთეულის წარმოსაშობად.

„ძველ აღმოსავლეთს“ იპყრობს ალექსანდრე მაკედონელი.

მაგრამ ამ ერთეულში მეოთხე საუკუნის მიწურულში შემოიჭრება გარეშე ძალა – მაკედონელთა ალექსანდრე დიდის თაოსნობით და გამამთლიანებელ მიმდინარეობას მისი სიკვდილის გამო ქ. ბაბილონში 323 წ. ქ. შ. წინ, ძირი ეთხრება. მაკედონელთა შემოჭრით ძველი აღმოსავლეთის ხალხოსნური შემადგენლობა სრულიად არ შეცვლილა, თუ მხედველობაში არ მივიღებთ ბერძენთა რიცხვით უმნიშვნელო ახალშენებს პალესტინის ჩრდილოეთში და სხვა და სხვა ადგილებში.

„ძველი აღმოსავლეთის“ ფარგალში იჭრებიან რომაელები.

ხალხოსნური შემადგენლობა ვერც რომაელთა შემოჭრამ შესცვალა; მათ მპყრობელობის დროს „ძველი აღმოსავლეთის“ დასავლეთ ნაწილში ღვთაებრივ მასწავლებლის – ქრისტეს მოვლენამ კიდეც ერთხელ დაამტკიცა, რომ „ძველი აღმოსავლეთი“ მთლიანი ერთეულია: დიდებული სწავლა ძალადაუტანებლად სულ ცოტა ხანში ჩინეთთა თურქესტანამდის გავრცელდა და განმტკიცდა. აღმოსავლეთ

რომაელთა იმპერია ხანგრძლივ ხელის-უფლობდა ძველი აღმოსავლეთის დასავლეთ ნაწილში, დანარჩენ ნაწილს სპარსელები განაგებდნენ. აღმოსავლეთ რომაელთა იმპერიის გაბატონებას ძველი აღმოსავლეთის ნახევარში ხელს უწყობდა მათ მიერ ქრისტიანობის აღვიარება და მისი თავგამოდებითი მფარველობა, მაგრამ ამ ზნეობრივ კავშირმაც ვერ უშველა საქმეს და მეშვიდე საუკუნის დასაწყისში ქ. შ. შ. ბიზანტიელებსა და სპარსელებს უჩნდებათ მძლავრნი მოპირდაპირენი ძველი აღმოსავლეთის **ბინადართვ შორის – არაბები**. ახალი სწავლით აღფრთოვანებული ძველი ხალხი ერთი საუკუნის განმავლობაში ახერხებს ძველი აღმოსავლეთის უშუძველეს ფარგალში აღდგენას ¹⁾. სპარსელებმა მეტად იუცხოვეს არაბების ამალლება, ხელსაყრელ პირობებით ისარგებლეს და მეტოქეობა შემდეგნაირად გაუწიეს: ომეიადთა და აბასიდთა ტახტის გამო შეხლის დროს სპარსელებმა აბასიდებს ²⁾ დაუჭირეს მხარი, და მიანიჭეს მათ გამარჯვება. მადლიერნი აბასიდე-

ღვთის მოციქულის **მაჰმადის** ლტოლვა მექადან მედინას მოხდა 622 წ. ქ. შ. შ. – აქიდან იწყება მუსულმან-არაბთა ძლიერება. წინა ნათქვამიდან ცხადია, რომ ქრისტიანობა და მუსლიმანობა ორი მხარეა ერთი და იგივე მსოფლშეგრძნობისა – ორი ნამჭევლი ერთი ნაკადისა: ძველი აღმოსავლეთისა.

აბასი იყო მაჰმადის ბიძა.

ბი პატივისცემით და ნდობის თვალთ უყურებდნენ სპარსელებს, ამით სპარსელებმა ისარგებლეს და აბასიდის ხალიფ მამუნის ¹⁾ დროს ხორასანში წმინდა სპარსული სამთავრო დაარსეს 822 წ. ქ. შ. შ. მეათე საუკუნის მიწურულში კი მთელი აღმოსავლეთი ირანისა, ე. ი. სპარსული ხალხოსნური ერთეული, სამ პატარა სამეფოდ და მრავალ სამთავროებად დაიქსაქსა.

სელჩუკთა თურქნი ევლინებიან „ძველ აღმოსავლეთს“.

ამ დროს იმ არე-მარეში, სადაც დღეს ტაშკენ-ტია, ქრისტიანთა პატარა თურქთა ტომი, სელჩუკის ქვეშევრდომი, მაჰმადიანდება და სელჩუკის შვილთა ²⁾ მეთაურობით შეიჭრება ჩრდილოეთ-აღმოსავლეთ სპარსეთში; 1035 წ. ქ. შ. შ. მძებნი იპყრობენ ხორასანს, ოცი წლის შემდეგ კი ძლევამოსილი ტოგრულ-ბეგი უკვე ბაღდადშია. მას შემდეგ მისი ძმისწული ალპ-არსლანი აფართოვებს თავის სამეფოს, მელიქშა ³⁾ კი, შვილი ალპ-არსლანი-

აბასიდი მამუნი დედით სპარსელია.

ჩაკარ – ბრწყინვალე – ლაშა.

ჩვენი ისტორია კარგად იცნობს ალპ-არსლანს და მელიქ შაჰს: ალპ-არსლანმა ბაგრატ IV გახადა თურქთა მო-

ტოგრულ ბეგი და ჩაკარ-ბეგი: ტოგრულ – მკვლელი,

სა, თავის სამფლობელოს დასავლეთ საზღვრით მიადგება თვით კოსტანტინეპოლს, ე. ი. კიდევ გაერთიანდა ძველი აღმოსავლეთი მეთერთმეტე საუკუნის მიწურულში.

მელიქშაჰმ სიცოცხლეშივე შფოთის და უთანხმოების ასაცილებლად გაანაწილა ¹⁾ თავის სამეფო: ანატოლია, ე. ი. მცირე აზია, მისცა სულეიმან შაჰს, შამი – თავის ძმას ტუტუშს, აბსონგარს შეხვდა ალექო, ჩეკერმიშს – მოსული, ე. ი. ძველი ნინეფია, კობულშიშს – დამასკი, ხომარტეკინს – ფარსი, სანჯარს – ხორასანი ბუხარითურთ და ნუმტეკინ – გარჩას, გუშინდელ მონას, ამ დროს კი დაახლოვებულ კარის-კაცს ტაშტდარას, ე. ი. ჯამთასის დამჭერს, მეფის სარწმუნოებრივ მოთხოვნილებათა აღსრულების დროს, ებოძა ხვარაზმეთი, დღევანდელი ხივის სახანო. მელიქშაჰს გარდაცვალების და მისი შვილის ბერკ-იარუკას ტახტზე ასვ-

ხარკედ, მელიქშაჰის სარდალმა კი კიორგი II საშინლად დაამარცხა და მთელი ბანაკი მეფის აუარებელი განძით ხელთ იგდო 1080 წ. ქ. შ. შ. გონებად საღებია, რომ ყოველნაირი თვალსაჩინო ცვლილებანი ძველ აღმოსავლეთში უსათუოდ აღიბეჭდებოდნენ ქართველთა წარსულზე. ასე რომ ჩვენი წარსულის გამოყოფა შესწავლის დროს ამ ერთეულიდან შეუძლებელია.

ამ განაწილებით ბრწყინვალედ ისარგებლა დიდებულმა დავით აღმაშენებელმა და მოუმზადა ნიადაგი თამარ დიდის მეფობას.

ლისათანავე 1092 წ. ატყდა საშინელი შეუზღუდველი შინა-ბრძოლა, ასე რომ ძველი აღმოსავლეთი ნამდვილ ჯოჯოხეთად გარდაიქცა განსაკუთრებით სპარსელთათვის: ამ საშინელი არეულობით ისარგებლეს ხვარაზმელებმა და ერთი საუკუნის განმავლობაში პატარა ხვარაზმეთის საზღვრები გააფართოვეს სამხრეთით – ინდოეთამდის, დასავლეთით – ეფრატამდე, ჩრდილოეთით კი – ვოლგამდე. ჩემის ფიქრით, ხვარაზმეთის წარსულს დიდი კავშირი აქვს „ვეფხვის ტყაოსნის“ შინაარსთან და ამის გამო უფრო დაწვრილებით შეუდგეთ ამ წარსულის შესწავლას.

პატარა ხვარაზმეთის საერისთავო ასოცი წლის განმავლობაში იქცევა მძლავრ სახელმწიფოდ.

ამხედრებული არაბები მეშვიდე საუკუნის დასაწყისშივე სპარსელებს შეეტაკნენ, ძლეულნი სპარსნი იძულებულნი იყვნენ ჩრდილოეთ-აღმოსავლეთისკენ დაეხიათ, არაბები ფეხდაფეხ მისდევდნენ დამარცხებულებს, ასე რომ, თუ ვინმე იყო სპარსეთში, ეროვნული სულით მტკიცედ გაჟღენთილი, მიეშურებოდა ბუხარას და ხივას. ამ ზნეობრივ გაუტეხელობასაც საზღვარი ჰქონდა და როდესაც არაბებმა ხივამდის, ე. ი. ხვარაზმეთამდის, მიაღწიეს

წ. ქ. შ. იქ შეფარებულნი და ბინადარნი ¹⁾
სპარსნი იძლეებულნი იყვნენ დამორჩილებოდნენ
თავის წარუვალ ხვედრს. ამ პატარა მხარეში გაკა-
ჟებულმა ეროვნულმა სიტკიცემ საშუალება მისცა
ნუშტეკინ გარჩას მეთორმეტე საუკუნის დასაწყის-
შივე ბეჯითად შესდგომოდა საერისთავოს გაძლიე-
რებას. ხვარაზმეთი, უუძველესი დიდი სპარსეთის
ზნე-ჩვეულების და წეს-წყობილების მატარებელი,
ზიზღით და აშფოთებული სიამაყით შესცქეროდა
თურქთა ბრბოების თავხედურ და უთავბოლო ბა-
ტონობას დაქსაქსულ სპარსეთში და ამის გამო კარ-
გად გრძნობდა თავის მოვალეობას დანარჩენ სპარს-
თა თემებისადმი: ამ შეგნებით წახალისებული ნუშ-
ტეკინ გარჩას შვილი მაჰმად კუტბ-ედ-დინი უკვე
„ხვარაზმშჰაა, ხელმწიფე ხვარაზმელია“. აციზი, შვი-
ლი მაჰმადისა, დიდად დაჯილდოვებული სულის
სიმტკიცით და ბრწყინვალე ნიჭით მხარს უჭერს მა-
მას; ილ-არსლან კი, შვილი აციზისა, ხორასანს

ხვარაზმეთი ქრისტეს შობის წინ მე-XIII საუკუნეში
უკვე სპარსელთა მოდგმის ხალხით იყო დასახლებული; თუნ-
და თურქთა გვარტომის ხალხი უუძველეს დროიდან იჭრე-
ბოდნენ ხოლმე ამ პატარა საერისთავოს საზღვრებში, მაგრამ
ეროვნული სიმტკიცე იმოდენა სიმძაფრისა იყო, რომ ხვა-
რაზმეთის ბინადრები მეთერთმეტე საუკუნის მიწურულშიც
ქ. შ. შ. თურქთა ბრბოებს რაცხდა ველურებად და მტრუ-
ლად ეპყრობოდა.

ანთავისუფლებს სელჯუკიდებისაგან და უერთებს ხვარაზმეთს; ტეკიშმა, ილ-არსლანის შვილმა, ირაკ-ჯემის შემოერთებით გააძლიერა თავის სამეფო; მაჰმად II-ემ კი, შვილმა ტეკიშისამ, ხვარაზმეთის ძლიერება, „მორჰმა და მოვლენა“ მიიყვანა ხალხოსნურ საოცნებო წერტილამდე: გააერთიანა სპარსთა და მათ მონათესავე ხალხით დასახლებული ქვეყნები ¹⁾. ეს ის ერთად-ერთი წამია ძველი აღმოსავლეთის წარსულისა, როდესაც ცნებანი სპარსი და ხვარაზმელი თანამნიშვნელობის ხაზებით შეიძლება შევედროთ. ვამბობ წამი, რადგანაც მხოლოდ წ. დასრულდა ხვარაზმეთ-სპარსეთის გაერთიანება და 1218 წ. კი ხალხთა ჯალათნი მონგოლნი მძვინვარე ჩინგიზ ყაენის ²⁾ მეთაურობით აღმოსავლეთით შემოიჭრენ ხვარაზმეთში და შეუწყალებლად წაღვეს მთელი ხვარაზმეთი, ადერბეი-


ხვარაზმეთის ფარგალში მოექცა: ახლანდელი სპარსეთი, ავღანისტანი, ბელუჯისტანი, რუსთა თურქესტანი და აღმოსავლეთი ადერბეიჯანი, ასე **რომ საქართველოსა და ხვარაზმეთს შუა იყო დასავლეთი ადერბეიჯანი** განჯი-თურთ სელჯუკ თურქთა მოსახლეობით.

ნიშანდობლივ ვიცი, რომ ჩინგიზ ყაენს თან ახლდა ექვსასი ათასი კაცი (600000) ველურ მონგოლთა; ვიცი, აგრეთვე, რომ ხვარაზმელებმა ამოსწყვიტეს ვაჭრები, რომელთაც მუდმივ მიჰქონდათ მონგოლეთში საქონელი და ამან საშინლად გააბრაზა ჩინგიზ ყაენი, ეს, რუსაკვირველია, მხოლოდ პატივსადები საბაზი იყო მონგოლთათვის.

ჯანი და დარუბანდით შეესივნენ რუსეთს – სხვათა შორის ჩვენი მეფე გიორგი ლაშაც საშინლად დამარცხდა ამ გზით გამვლელ მონგოლთაგან ¹⁾ მაჰმად II-ემ ოგურჩალის კუნძულზე ²⁾ ჰპოვა თავის აღსასრული, მისმა შვილმა კი ჯელალ-ედინმა, მონგოლთაგან დევნილმა, დიდმა ვაჟკაცმა, სასიკვდილოდ დაკოდილ მხეცივით თითონ წამებულიმა ³⁾ ჩვენც გვაწამა: დაამარცხა ქართველთა ჯარი და სამინელი რისხვა დაატრიალა ქართლ-

მონგოლები ხელმეორედ დაუბრუნდნენ ძველ აღმოსავლეთს, გადვიდნენ ინდოეთში, დიდად შეავიწოვეს თურქთა მცირე აზია და გაითქვიფნენ ძველ აღმოსავლეთის ერთეულში. დღეს ამ ერთეულში იჭრებიან: რუსეთი, ბრიტანეთი, საფრანგეთი, გერმანეთი... კასპიის ზღვაზეა, ჩელეკენის სამხრეთით.

ქურთმა-მწყემსმა 1231 ქრ. მ. ჯელალ-ედინი ბასიან, არზრუმის ახლოს, მოჰკლა ხვარაზმიდები:



შესხეთის თავზე – უბედურებას და ბედნიერებას
ძველი აღმოსავლეთისას საქართველო მუდმივ მწვა-
ვედ განიცდიდა, როგორც ნაწილი ერთი მთლიანი
ერთეულისა და ახლაც განიცადა...

**„ვეფხვის ტყაოსნიდან“ დროის მიხედვით გარ-
კვეული წარსულის საერთაშორისო სახელმწი-
ფოებრივი ნაქუთი-ჩარჩო გამოსჭვივის.**

აქ შევჩერდეთ და გადავიდეთ „ვეფხვის ტყაო-
სანზე“ ¹⁾.
ინდოთ მეფის სასახლეში თათბირია, ამ თათ-
ბირს ტარიელიც დაესწრო – ნესტან-დარეჯანისთვის
საქმროს რჩევაში არიან. სხვათა შორის, რუსთვე-
ლის სიტყვით –

„მეფემან ბრძანა: „ხვარაზმშა, ხელმწიფე
ხვარაზმელია,
თუ მოგცემს შვილსა, საჩვენოდ ²⁾ მისებრივ
არ რომელია“.

მეფა ადასტურებს და სხვათა შორის ამბობს:

) „ვეფხვის ტყაოსანი“ დ. კარიჭაშვილის წინასიტყვაო-
ბით, შენიშვნებით და ვრცელის ლექსიკონით. 1903 წ.
ჩემის ფიქრით აქ მძიმე ნიშანს არ უნდა ჰქონდეს ად-
გილი.

„ხვარაზმშა მეფეა, მორჭმით მჯდომელი,
მათსამცა შვილსა სასიძოდ ჩვენთვის სხვა
სჯობდეს რომელი!“

რუსთველი განაგრძობს:

„გაგზავნეს კაცნი ხვარაზმშას წინა, შვილისა
მთხოველი“

გახარებოდა ხვარაზმშას სიხარულითა დიდითა“.

შეშფოთდა ნესტან დარეჯანი, დაიბარა ტარიე-
ლი და განრისხებულმა უსაყვედურა თავის რაინდს
არა რაინდული ყოფა-ქცევა სასახლეში მომხდარ
თათბირზე:

„შენ არ იცი ხვარაზმშასი საქმროდ ჩემად
მოყვანება?!
შენ ჯდომილხარ სავაზიროდ, შენი რთულა

შენ გასტეხე ფიცი ჩემი, სიმტკიცე და იგი
ცნება“.

ტარიელმა თავს იმართლებს, ნესტან-დარეჯანი
ოდნავად დამშვიდდება და სხვათა შორის იტყვის:

„ეგე ამზად არ ეგების, რომე სპარსნი
გაგვიხასდენ“.

და ურჩევს ტარიელს მოჰკლას მისი საქმრო,
მეფეს კი – როსტევანს

„ჰკადრე თუ, – სპარსთა ვერა ვიქმ ინდოეთისა
ჭამასა“

და ამით იმართლე თავიო.
ცოტა ხანს შემდეგ:

„სასიძოცა მოგვივიდა, იყვნეს ხანსა არ
დამზმელნი;
შიგნით ჩვენნი გაეგებნენ, გარეთ მოდგეს
ხვარაზმელნი“
გვიაშბოზს ტარიელი.

სასიძოს ჰკლავს ტარიელი, მეფე აღბორებულ
კარის-კაცების პირით სხვათა შორის ეკითხება ტა-
რიელს:

„ხვარაზმას სისხლი უბრალო სახლად რად და-
მადებინეო?“ ამაზე ტარიელი არა თავაზიანად უპა-
სუხებს:

„ხვარაზმმა დაჰსვა ხელმწიფედ, დამრჩების რა
ნაცვალია!
სხვა მეფე დასჯდეს ინდოეთს, მერტყას მე ჩემი
ხმალია?!“

ამ ამონაწერის შესწავლა და დაკვირვება ნებას
გვაძლევს დანამდვილებით ვსთქვათ, რომ ხსენებუ-
ლი ხვარაზმეთი არ არის ძველი დროის უმნიშვნე-
ლო საერისთავო, არამედ უკვე ძლიერი და სახელ-
განთქმული სახელმწიფოა. ინდოეთის მეფე ფარსა-
დანი არ არის დარწმუნებული, რომ ხვარაზმმა სიხა-

რულით შეეგებება მათ წინადადებას: „თუ მოგვცემს შვილსა, საჩვენოდ მისებრივ არ რომელია“, ამის თქმა მართლაც რომ შეიძლებოდა ჯელალ-ედინზე ანუ მამა მისზე – მაჰმად II-ზე. დედოფლის ნათქვამს თათბირზე:

„ხვარაზმშა მეფეა, მორჭმით მჯდომელი“

და ნესტან-დარეჯანის სიძულვილით აღსავსე სიტყვებს:

„ეგე ამზად არ ეგების რომე სპარსნი
გაგვიხასდეს“... ¹⁾
ჰკადრე თუ – სარსთა ვერა ვიქმ ინდოეთისა
ჰამასა“...

განსაზღვრებითი მნიშვნელობა აქვს: ცნებანი – **სპარსნი** და **ხვარაზმელნი** ერთი და იგივეა და მათი მპყრობელია „ხვარაზმშა, მორჭმით ²⁾ მჯდომელი“. ამის თქმა კი „ვეფხვის ტყაოსნის“ შემთხზველს შეეძლო არა უადრეს 1210 წ. მაჰმად II-ის ხელისუფლების დროსა, ე. ი. მაშინ, როდესაც პატარა უძლური ნუშტეკინ გარჩას საერისთავო გარდიქცა ვრცელ და დიდებულ სამეფოდ – მოსაზღვრედ არაბეთისა, ინდოეთისა და ხატაეთისა...
აქედან პირველი უდავო დებულება: „ვეფხვის ტყაოსნის“ ჩაონჩხი არ არის ზღაპარი და ეკუთვნის

გადიდკაცება, გაბატონება.
სახელოვანად, ძლიერად, დიდებულად.

წლის ¹⁾ შემდეგ ხანას, ე. ი. მეცამეტე საუკუნის
დასაწყისს ²⁾).

განვავრძოთ... ტარიელი ავალაპარაკოთ:

„კარვის კალთა ჩახლათული ჩავჭერ,
ჩავაკარაბაკე ³⁾),
ყრმასა ⁴⁾ ფერხთა მოვეკიდე, თავი სვეტსა
შევუტაკე“.

„უსისხლოდ მოვჰკალ იგი ყმა, თუმცა ჰხმდა
სისხლისა დენითა“.

ამ კითხვის გარჩევის დროს შეიძლება იმითაც ვისარ-
გებლოთ, რომ მთელი ინდოეთის მუსულმანებად ხსენება
შეიძლებოდა არა უადრეს 1206 წლისა. ინდოეთის ისტო-
რიიდან საგულისხმოა: 1236 წ. ატლამშის სიკვდილის შემ-
დეგ გამეფდა მისი ქალიშვილი რაცია, დიდად განვითარებუ-
ლი, მხნე და ნიჭიერი ადამიანი.

წ. ქ. შემდეგ კი, ე. ი. მონგოლების შემო-
სევის შემდგომ – ხვარაზმეთის რღვევის ხანაში, ხვარაზმიდები
ვიღას დასჭირდებოდა და თუ რომელიმე სპარსელი მწერალი
როდისმე მათ გაიხსენებდა, მხოლოდ სადიდებლად და არა
სამაგებლად. იმ დროს მონგოლების განმეორებითი შემოსე-
ვამ და გაბატონებამ ისე მოშალა ყოველმხრივ სპარსეთში
ცხოვრება, რომ ახალ რისმე შეთხზვისათვის თავი არა კაცს
სტკივოდა – ძველიც დაავიწყდათ.

კარის გამოჭრა.

სასიძოს – ხვარაზმიდს.

ნუ თუ სპარსელი შემთხზავი ასეთ საზარელ სიკვდილს არგუნებდა თავის სათაყვანებელ ¹⁾ სეფე-ვაჟს, ვამზოზ სათაყვანებელს, რადგანაც ხვაჩაზმეთის გაფართოვება და სპარსეთად ქცევა სიხარულს ჰგვრიდა ყველა შეგნებულ სპარსელს – როგორც სპარსეთის აღდგენა: ჩვენ უკვე ვიცით, რომ სპარსულმა შეგნებამ ადამიანის უფლება-ვალდებულებისა, სულიერმა და ნივთიერმა წინსვლის ძალამ არაბების და სელჩუკების ძალადობის დროსაც მხოლოდ ხვარაზმეთში შეინახა თავი და როდესაც სათანადო პირობები იშოვა, მსწრაფლ გავრცელდა ძველის აღმოსავლეთის იმ კუთხეებში, სადაც სპარსელები კიდევ გადარჩნენ. ასე რომ, ამ დროის შესწავლა, ჩვენ გვაძლევს ნებას გადაჭრით ვსთქვათ: სპარსულად მეთორმეტე საუკუნის მიწურულს ანუ მეცამეტე საუკუნის დასაწყისში „ვეფხვის ტყაოსნის“ ჩონჩხის შემთხზვა შეუძლებელი იყო. ეს, ჩემის ფიქრით, მეორე უდავო დებულებაა. ასე რომ, წინასიტყვაობის რწმუნება – „ესე ამბავი სპარსული, ქართულად ნათარგმანები, ვპოვე და ლექსად გარდავთქვიო“, უნდა უარჰყვოდ ²⁾.

ხაზგასასმელია ის უტყუარი ცნობაც, რომ 1226 წელს ტფილისის კარები „სპარსელებმა მუხანათურად გაუღეს“ ჯელალ ედინს, და რასაკვირველია, როგორც სპარსელს. ოდნავ დასაშვებია შემდეგი შესაძლებლობა: „ვეფხვის ტყაოსნის“ ამბავი სპარსულ ენაზე გაჩნდა დასავლეთ ადერ-

ამ ორ დებულებას თუ მივიღებთ:

პირველს, რომ „ვეფხვის ტყაოსნის“ ამბის ჩონჩხს სპარსელი ვერ შეთხზავდა; მეორეს, რომ ამ ამბის ჩონჩხი შეთხზულია 1210 წ. შემდეგ და ამასთან ერთად გავიხსენებთ, რომ „ვეფხვის ტყაოსანი“ თამარ მეფის სიცოცხლეშივე დაიწერა, თამარი კი დღევანდელ მეცნიერების სიტყვით 1212 – 1213 წ. გარდაიცვალა, მაშინ აშკარაა შემდეგი: „ვეფხვის ტყაოსანი“ რუსთველს დაუწერია 1210 წ. შემდეგ, თამარის გარდაცვალებამდე, და თვით მოთხრობის ჩონჩხიც რუსთველს ეკუთნის; მით უფრო, რომ ეს ჩონჩხი არც ისე რთულია: საკმარისი იყო რუსთვე-

ბეიჯანში – თავრიზში, ანუ არანში – განჯაში, ანუ შირვანში – შემახაში და ბაქოში. მაგრამ ამ დებულებას არღვევს ის ისტორიული გარდმოცემა, რომ „ვეფხვის ტყაოსანი“ **თამარის სიცოცხლეშივე არის დაწერილი** – 1213 წლამდე და სამი წლის განმავლობაში 1210-დან 1213-მდე მეუძლებელი იყო ამოდენა თხზულების სპარსულად დაწერა და ქართულად გარდათქმა. პირიქით ესეც რომ არ იყოს – მოგვეპოვება ცნობა, რომ დიდიბული მგოსანი ხაკაძე, ე. ი. ჭემმარიტების მამიებელი, შირვანელი შირვანშახის ეხსეტანის კარზე მყოფი სატახტო ქალაქ ბაქოში ხვარაზმიდელ სულტანს ტეკიშს, ჯელალ-ედინის ბაბუას, თამარის თანამედროვეს, ხოტბას ასხამდა-ათაყვანებდა. ამას გარდა ჩვენ ვიცით, რაც მონგოლთა აოხრებას გადურჩა ამ ქვეყნებში, ჯელალ ედინის ხელში და მის გავლენის ქვეშ იყო და ხორაზმიდების შეურაცხყოფა ამის მიხედვით შეუძლებელი ხდებოდა.

ლისათვის წარმოედგინა იმ დროინდელი სახელმწიფოებრივი საზღვრების მოხაზულობა და ამბის მკრთალი ჩონჩხი თვალწინ დაუდგებოდა...

რად დასჭირდა რუსთაველს ხვარაზმიდების დამცირება და არა ინდოელების და არაბების?

აქ ბუნებრივად იბადება კითხვა, რად დასჭირდა რუსთაველს სპარსელების, ე. ი. ხვარაზმელების, დამცირება და არა ინდოელების, ანუ არაბების, ანუ სხვისი... ამ კითხვის პასუხის გამო მოსაზრებანი საშუალებას მოგვცემს მეორე გზით, დროც აღვნიშნოთ „ვეფხვის ტყაოსნის“ დაწერისა. ხვარაზმელებთან ქართველებს შეხლა არ უხდებოდათ და მათი წინსვლა და სელჩუკიანების შევიწროება ქართველებისათვის ზომამდე ხელსაყრელიც იყო. ერთად-ერთი შეხლა ქართველებისა და ხვარაზმელებისა მოხდა ჩემის აზრით თამარ მეფის დროს: დაქსაქსული და დაუძლურებული დასავლეთი ადერბეიჯანი თურქთა სათარეშო იყო, აღმოსავლეთი ადერბეიჯანი კი, როგორც ვიცით, 1210 წ. უკვე ხვარაზმეთის ნაწილს შეადგენდა. ჩვენ დღეს დანამდვილებით ვგიცით, რომ არდაველის სულთანმა ანისი ააოხრა და ხალხი ამოჟლიტა; მის დასასჯელად თამარ მეფემ ლაშქარი გაგზავნა, რომელთაც „სულტანი არდაველისა მოკლეს, ცოლნი და შვილნი მისნი ტყვედ ჰყუეს და წამოასხეს“... ამ გალაშქრებამ ქართველები შეცდომაში შეიყვანა: წარ-

მოიდგინეს, რომ მთელი აღმოსავლეთი დასავლეთ ადერბეიჯანის სურათს წარმოადგენდა და ამით მოტყუებულნი წარჩინებულნი წარუდგნენ თამარ მეფეს და სთხოვეს: „აწ ბრძანოს მეფობამან თქვენ მან, რათა არა ცუდად დავიწყებასა მიეცეს სიმხნე სპათა შენთა, არამედ აღვამხედროთ ერას 1) და რუმ – გურსა ზედა, რომელ არს ხორასანი და ცნან 2) ყოველთა სპათა აღმოსავლეთით ძალი და სიმხნე ჩვენი“... ეს დაახლოვებით 1209 წ. უნდა მომხდარიყოს: მაშინ საქართველოში ჯერ კიდევ არ იცოდნენ, რომ „ხვარაზმშია მეფეა, მორჩმით მჯდომელი“, და ეს მხოლოდ 1210 წ. გაიგეს... „მოიწია არე სთვლისა“ სალაშქროდ გამზადებული ჯარი დალოცა თამარმა და გაისტუმრა სპარსეთისაკენ. ყაზმინამდი საქართველოს ძლევა მოსილ ჯარს ბედი სწყალობდა, მაგრამ როგორც კი „მიიწივნეს გურგანისად 3) ქალაქად“ ქართველებმა უკან დაბრუნება ირჩიეს, რადგანაც „ვერღა ძალედვა წიად-სვლად ალაფისაგან“; და შემოიქცეს გამარჯვებულნი და ძლევამოსილნი“ 4) ჩვენთვის კი ხვარამხეთის წარსულის გათვალისწინების შემდეგ ცხადია, რომ ქართველებმა ამ გალაშქრების დროს

ერ ყსი იგივე ირაკ-აჯემი.

საოცარია ამისთანა უვიცობა მეთორმეტე საუკუნისთვისაც.

ალბად, როგორც დღეს, ისე მაშინაც სიმართლეს მხოლოდ ის ამბობდა, ვინც მოვლენის გარეთ იდგა – კიდევ ერთი საბუთი იმ აზრის დასამტკიცებლად, რომ საქართველოს ისტორია მჭიდროდ უნდა დაუკავშირდეს ძველ აღმოსავლეთს და უფრო მეტად – მესოპოტამიასა და ეგვიპტეს შუა.

ადვილად დაიპყრეს დასავლეთი ადერბეიჯანი, ეს სელჩუკის თურქთა ბუდე, მაგრამ როგორც კი გადავიდნენ ხვარაზმელების სამფლობელოში, დამარცხდნენ ¹⁾ და მხოლოდ მაშინ შეიტყვეს, რომ „ხვარაზმმა მეფეა, მორჭმით მჯდომელი“. მე მგონია ამ დამარცხების სისასტიკე იზდენად მწვავე იყო, რომ „ვეფხვის ტყაოსნის“ შემთხვევლზედაც იქონია გავლენა; ადვილად წარმოსადგენია ისიც, რომ თვითონ რუსთველიც იღებდა მონაწილეობას ამ ლაშქრობაში და პირადი განცდანი დაედო საფუძვლად დიდებულ ქართველის სიძულვილს ხვარაზმისადმი. ამ მოსაზრებას თუ მივიღებთ, ჩვენ შეგვიძლია განმეორებით, სულ სხვა გზით ნააზრევთა საშუალებით, ვსთქვათ, რომ „ვეფხვის ტყაოსანი“ დაწერილია 1210 წელს შემდეგ, ე. ი. მეორე გალაშქრების შემდეგ, კერძო თამარ მეფის სადიდებლად და ხვარაზმელთა განსაქიქებლად... ²⁾ ასე რომ, ჩვენის აზრით, დიდებულმა

ჩრდილოეთ სპარსეთში ხმა გავრცელდა, ქართველებს ერთის მხრით მიადგა „თვით დიდი სულტანი“, მეორეს მხრით გილანელნი და „ყოველგნით გზა შეუკრეს ქართველთა და მთლად ამოხოცესო“ – გადაჭარბებულია, მაგრამ ჩვენი მოსაზრება კი უცილობლად მტკიცდება ამ ამონაწერით. ი. ჯავახიშვილი. ქართველი ერის ისტორია. გვ. 627. შესაძლებელია, რომ ამ მხრივ თვით ჯელალ-ედინიც იცნობდა „ვეფხვის ტყაოსანს“; მის ხვარაზმიდებისადმი გამაბიზრუვებელ შინაარსს მით უფრო, რომ ოთხი ხუთი წლის განმავლობაში მონგოლებთან ბოძოლას აწარმოებდა და სრული ხელისუფალი იყო სამხრეთ სპარსეთსა და საქართველოს მოსამზღვრედ ადერბეიჯანში – ცეცხლთა ქვეყანაში. ტფილისის აღების შემდგომ ხომ ეს შესაძლებლობა უფრო იზრდება – მაშინ ჩვენდამი მისი საარაკო სიმხეცე ოდნავ მაინც გასაგები იქნება...

რუსთველმა სულ ცოტა ხნის განმავლობაში დამოუკიდებლად შეჰქმნა თავისი უკვდავი „ვეფხვის ტყაოსანი“ სათაყვანებელ ქალის ხანგრძლივი მოღვაწეობის სადიდებლად და მასთან ერთად ჩვენც, ჩამომავლობას, მოგვცა წარუშლელი იმედი და რწმენა „ლამაზი“ მომავლისა... ქართველ ხალხს ჯერ კიდევ ბევრი რამ აქვს სათქმელი და გასაკეთებელი დედამიწის ზურგზე იმ ერთეულის ფარგალში მაინც, რომელსაც დღეს ვიცნობთ ძველ აღმოსავლეთად. ჯერ-ჯერობით მხოლოდ ჩვენ, ქართველებმა, ვიცით, რომ ამ „ძველი აღმოსავლეთის“ დასავლეთ ცის კამარაზე მეთორმეტე საუკუნიდან მარტოდ აღარ ციალ-კიაფობს დიდებული ჰომეროსის ¹⁾ ვარსკვლავი: მას აღმოსავლეთით შეღაჟღაჟებს დიდი რუსთველის მნათობიც.

ილიკო მობურთალი.

ქ. ბაქო, 1916 წ.

ჰომეროსის „ილიადა“ უსათუოდ უნდა ითარგმნოს ქართულად – კარგად ნათარგმნი ის ისტორიულად მომზადებული ქართველთათვის მეორე სათაყვანებელ წიგნად გარდაიქცევა, რადგან ზნე ჩვეულებანი იქ „ძველი აღმოსავლეთისა“ – უფრო მეტია, ვიდრე საბერძნეთისა: დღეს ვიცით, რომ ბერძნები შიშველ-მართალნი ისტორიულ ხანაში დაეშვენ ჩრდილოეთით და ბევრი რამ შეითვისეს ბინადართაგან. ჰომეროსიც, ჩვენის აზრით მცირე აზიაშია დაბადებული და აღზრდილი... სხვათა შორის ჩვენთვის „მარგალებისთვის“ საგულისხმოა, რომ გააფთრებული პრიამი, ტროიანთა მოხუცი მეფე, თავის შვილებს უსაყვედურებს და დასამცირებლად „თხა-პარიებს“ უწოდებს.

ძირითადი წყაროები და მასალები

ქართველი ერის ისტორია პროფ. ი. ჯავახიშვილისა.

ქართული სიტყვიერების ისტორია ა. ხახანაშვილისა.

Материки и моря въ смѣнѣ временъ В. Бельше.

Кавказскій культурный міръ и Армеія. Н. Я.

Марръ

საქართველოს ისტორია მ. გ. ჯანაშვილისა.

Опредѣленіе языка второй категоріи Ахеменидскихъ клинообразныхъ надписей. Н. Я. Марръ.

გვირგვინი 1912 წ.

საქართველოს ისტორია ს. რ. გორგაძისა.

Доисторическая Греція – Эгейокая культура –

Проф. Лихтенберга

Хеттеи. проф. Сайса

„ვეფხვის ტყოსანი“ შოთა რუსთაველისა დ. კარიჭაშვილის წინასიტყვაობით 1903 წ. და სხვა.

— —

Сборникъ матеріаловъ для описанія мѣстностей и племенъ Кавказа – всѣ выпуски до 1916 года.

Древній Востокъ и Эгейская культура, проф. Вип. перъ.

Образованіе земли... проф. Грегори.

Марко Поло. Путешествіе.

Исторія Восточныхъ Монголовъ Д. Покотилова.

Арменія... Х. Ф. В. Линнъ.

Исторія Монголовъ. Карпини.

Древности Восточныя I, II и III т подъ редакціею Никольскаго.

20. Матеріали по археології Кавказа 12 выпусківъ
подъ релакцією Уваровой
21. Очерки Средней Азії проф. Вамбери.
22. Извѣстія древнихъ греческихъ и римскихъ писа-
телей о Кавказѣ двѣ части К. Гана.
23. Культура Древняго Востока I. Гунгера и Д Ла
мера
24. Каменный вѣкъ, проф. Гернесъ.
25. Іисусъ Назарянинъ проф. Ревиль.
26. Вавилонская культура проф. Винклеръ
27. Законы Вавилонскаго царяХаммураби.
28. Яфетическіе элементы въ языкахъ Арменіи. Н. Я.
Марръ
29. Полное собраніе сочиненій Ксенофонта
30. Исторія Бухары проф. Вамбери.
31. Краткій очеркъ исторіи Кавказскаго перешейка.
А. Н. Гренъ.
32. Сирія и палестина. К. Базили
33. Древняя Европа и Востокъ. Проф. Виппера.
34. О курцахъ Э Лерха
35. Геродотъ Исторія въ девяти книгахъ. О. Г. Ми-
щенко.
36. Древняя исторія, народовъ востока. «Масперо
37. Исторія Древняго Востока проф. Тураева.
38. Арріанъ Походъ Александра
39. Очеркъ исторіи Арменіи Г. Халатьяна.
40. Клинописные тексты памятныковъ южной Мессо-
потаміи. Шилейко
41. К. Коссовичъ. Клинописи.
42. Энциклопедическій словарь Брокгауза-Ефрона.
ԳՅ ՆՅՅԶ.

